

EKONOMSKO-SOCIJALNO VIJEĆE ZA TERITORIJU FEDERACIJE BOSNE I HERCEGOVINE

Broj: 03-34/19-2944/16
Sarajevo, 07.12.2016. godine

Z A P I S N I K

sa 14-115. sjednice Ekonomsko-socijalnog vijeća za teritoriju Federacije Bosne i Hercegovine, održane dana 07.12.2016.godine u 15 sati.

Sjednicom predsjedava Edhem Biber, predsjednik Ekonomsko-socijalnog vijeća. Prisutni predstavnici Vlade: premijer Fadil Novalić, ministri Jelka Milićević, Vesko Drljača i Nermin Džindić.

Prisutni predstavnici Poslodavaca: Adnan Smailbegović, Mladen Pandurević, Edin Ibrahimpašić, Senad Džambić, Zoran Gazibarić, Josip Kraljević i Midhat Trezić.

Prisutni predstavnici Sindikata: Ismet Bajramović, Salih Kruščica, Pero Obad, Kata Iveljić, Fikret Alić i Sinan Husić

Sjednici nisu prisustvovali: Denis Lasić, Amir Zukić, Šemsudin Dedić, kao i Selvedin Šatorović koji je opravdano odsutan.

Pored članova Ekonomsko-socijalnog vijeća sjednici su prisustvovali: Zlatko Hurtić, Amra Džendušić, savjetnici premijera Vlade FBiH, Damir Šapina iz Federalnog ministarstva finansija.

DNEVNI RED

1. Usvajanje zapisnika sa redovne 13.(114) i V vanredne sjednice ESV-a;
2. Nacrt Zakona o izmjenama i dopunama Zakona o radu;
3. Prednacrt Zakona o štrajku;
4. Razno.

Ad.1

Zapisnicisa predhodnih sjednica ESV-a usvojenibez primjedbi.

Ad.2

Ministar resornog ministarstva iznio je uvodno izlaganje u kojem je govorio o neophodnosti korekcija u Zakonu o radu i njihovoj opravdanosti.

Predstavnici Poslodavaca obavijestili su socijalne partnere o članovima Nacrta zakona o izmjenama i dopunama Zakona o radu na koje su imali primjedbe i detaljno ih obrazložili.

Predstavnici Sindikata iznijeli su prijedlog i stav Sindikata da se o Nacrtu zakona o izmjenama i dopunama Zakonu o radu tripartitno pregovara i usaglašavaju stavovi. Pregovori i usaglašavanje bi se odnosili samo na članove Zakona koji su izmjenjeni. Smatraju da Zakon treba uvrstiti u redovnu proceduru, o čemu su obavijestili i Federalno ministarstvo rada i socijalne politike.

Premijer Federacije BiH rekao je da se izmjene i dopune odnose na 12 članova Zakona o radu, a vezane su za tehničke propuste, te da smatra da sve ne treba ponovo elaborirati nego riješiti što prije. Savjetnik premijera Vlade FBiH, Zlatko Hurtić rekao je da je situacija alarmantna jer Federacija gubi milione na tužbe koje se donose zbog neregularnosti. Cilj izmjena je da se riješi mogućnost uplaćivanja u fiskalni sistem, riješe tužbe raznih sindikata zbog granskih ugovora, itd.

Predstavnici Poslodavaca smatraju da je nešto hitno samo ako je u pitanju javni interes, dok to u Obrazloženju ovih izmjena nije navedeno. Prihvaćaju različiti stav Vlade Federacije po ovom problemu, ali smatraju da je 9 od 12 izmjenjenih članova veoma sporno. Također smatraju da se čak ni potrebno tehničko dotjerivanje ne može raditi na sjednici ESV-a, te da je u pojedinim članovima tekst kontradiktoran. Također smatraju da niti jedan granski ugovor nije narušio fiskalni sistem države i da je ta ocjena trenutnog stanja olakša.

Nakon rasprave socijalni partneri su suglasni da se formira radna grupa (pregovaračko tijelo ESV-a) od dva predstavnika Vlade, dva predstavnika Poslodavca i dva predstavnika Sindikata, koje će razmotriti Nacrt Zakona o izmjenama i dopunama Zakona o radu i usaglasiti primjedbe i sugestije. Za koordinatora grupe određuje se resorni ministar, a imena članova potrebno je dostaviti sutra dan.

Ad.3

Uvodno izlaganje o Zakonu o štrajku iznio je resorni ministar Vesko Drljača i predložio da se Zakon usvoji u predloženom tekstu.

Predstavnici Poslodavaca su izjavili da mogu dati podršku da Zakon ide u parlamentarnu proceduru, ali bi bilo dobro i da se organizira sastanak u resornom ministarstvu kako bi se oko nekih spornih pitanja (nezakoniti štrajk, lock out) našao kompromis.

Predstavnici Sindikata također su naglasili pitanje nezakonitog štrajka, postojanje Mirovnog vijeća, opstrukciju pojedinih poslodavaca, odgovornosti i druga pitanja koja bi se trebala riješiti Zakonom.

Ekonomsko socijalno vijeće podržava donošenje Zakona o štrajku.

Ekonomsko socijalno vijeće od Federalnog ministarstva rada i socijalne politike traži da još jednom razmotri sporna pitanja koja su iznijeli predstavnici Poslodavaca i Sindikata.

Ekonomsko socijalno vijeće će se u fazi javne rasprave ponovo uključiti u proces donošenja Zakona o štrajku.

Sjednica ESV završena je u 17:30 sati. Održavanje nastavka sjednice zakazano je za 19.12.2016. godine u 15:00 sati.

Predsjednik Ekonomsko-socijalnog vijeća

Edhem Biber

Zapisnik pripremila:
Snježana Kapić, MBA & Mr.sci